

續日本紀


卷二

特279-307



牋 279

07



始



特279  
/ 307

明治十三年七月廿八日購求

# 物 教 館 印

## 續日本紀目錄

○文武<sup>モシム</sup>天皇

第四十二代

卷第一

起丁酉年八月盡庚子年十二月

卷第二

起大寶元年正月盡二年十二月

卷第三

起大寶三年正月盡慶雲四年六月

○元<sup>ケシ</sup>明<sup>メイ</sup>天皇

第四十三代

卷第四

起慶雲四年七月盡和銅二年十二月

卷第五

起和銅三年正月盡五年十二月

類國史  
屬國史  
冊廿  
函五

五〇二  
七

卷第六

起和銅六年正月盡靈龜元年八月

○元正天皇ゲンキョウ

第四十四代

卷第七

起靈龜元年九月盡養老元年十二月

卷第八

起養老二年正月盡五年十二月

卷第九

起養老六年正月盡神龜三年十二月

○聖武天皇キョウム

第四十五代

卷第十

起神龜四年正月盡天平二年十二月

新日本書紀卷第十一

起天平三年正月盡六年十二月

卷第十二

起天平七年正月盡九年十二月

卷第十三

起天平十年正月盡十二年十二月

卷第十四

起天平十三年正月盡十四年十二月

卷第十五

起天平十五年正月。盡十六年十二月

卷第十六

起天平十七年正月。盡十八年十二月

卷第十七

起天平十九年正月。盡天平勝寶元年十二月

○孝謙天皇カウケン

第四十六代

卷第十八

起天平勝寶二年正月。盡四年十二月

卷第十九

起天平勝寶五年正月盡八年十二月

卷第二十

起天平寶字元年正月盡二年七月

淡路廢帝

第四十七代

卷第二十一

起天平寶字二年八月盡十二月

卷第二十二

起天平寶字三年正月盡四年六月

卷第二十三

起天平寶字四年七月盡五年十二月

卷第二十四

起天平寶字六年正月盡七年十二月

卷第二十五

起天平寶字八年正月盡十二月

称徳天皇

第四十八代

卷第二十六

起天平神護元年正月盡十二月

卷第二十七

起天平神護二年正月盡十二月

卷第二十八

起神護景雲元年正月盡十二月

卷第二十九

起神護景雲二年正月盡三年六月

卷第三十

起神護景雲三年七月盡寶龜元年九月

光仁天皇

第四十九代

卷第三十一

起寶龜元年十月盡二年十二月

編年本紀卷目錄

第一〇七六

續日本紀目錄

起寶龜三年正月盡四年十二月

卷第三十二

起寶龜五年正月盡六年十二月

卷第三十四

起寶龜七年正月盡八年十二月

卷第三十五

起寶龜九年正月盡十年十二月

卷第三十六

起寶龜十一年正月盡天應元年十二月

○桓武天皇 第五十代

卷第三十七

起延曆元年正月盡二年十二月

卷第三十八

起延曆三年正月盡四年十二月

卷第三十九

起延曆五年正月盡七年十二月

卷第四十

起延曆八年正月盡十年十二月

續日本紀目錄 終



博涉經史尤善射勢 高天原廣野姬天皇

十一年立為皇太子。○八月甲子朔受禪即位

○庚辰 詔曰現御神止 大八嶋國所知皇天

皇大命 詔大命 集侍皇子等王臣百

宮人等天下公民諸聞食止 詔高天原事

始而遠 天皇祖御世中今至 天皇御

子之阿礼坐 弥繼繼 大八嶋國將知次

天都神乃御子隨 天坐神之依 奉之隨此

天津日嗣高御座之業止 現御神止 大八嶋國

所知 倭根子天皇命授賜 負賜 貴支 高

支厚支 大命 受賜 利恐坐 此乃 食國天下

乎調賜 比平賜 比天下 乃公民 乎惠賜 比撫賜

奈母 隨神所思行 佐久 詔 天皇大命 乎諸

聞食止 詔是以 天皇朝庭敷賜 符賜 幣百

官人等四方食國 乎治奉 止 任賜 幣國國宰等

亦至 國法 過犯事無 又明 支淨 支直

誠之心以而御稱稱而緩息事無<sup>又</sup>勞給而仕  
奉<sup>止</sup>詔大命<sup>乎</sup>諸聞食<sup>止</sup>詔故<sup>介</sup>如此之  
狀<sup>乎</sup>聞食悟而歎將仕奉人者其仕奉<sup>禮良</sup>狀  
隨品品讚賜上賜治將賜物<sup>止</sup>詔大天皇大  
命<sup>乎</sup>諸聞食<sup>止</sup>詔仍免今年田租雜徭并庸  
之半又始自今年三箇年不収大稅之利高年  
老人加恤焉又親王已下百官人等賜物有差  
令諸國每年放生<sup>〇</sup>癸未以藤原朝臣宮子娘

為夫人紀朝臣竈門娘右川朝臣乃子娘為妃  
〇壬辰賜王親及五位已上食封各有差〇九  
月丙申京人大神大綱造百足家生嘉稱近江  
國獻白鷲丹波國獻白鹿〇壬寅賜勤大壹丸  
部臣君午直廣壹壬申之功臣也〇冬十月壬  
午陸奧蝦夷貢方物〇辛卯新羅使一吉准金  
粥德副使奈麻金任想等來朝〇十一月癸卯  
遣勢廣肆坂本朝臣塵田進大壹大倭忌寸五



百足於陸路務廣肆土師宿祢大麻呂進廣參  
習宜連諸國於海路以迎新羅使于筑紫○十  
二月庚辰賜越後蝦狄物各有差○閏十二月  
己亥播磨備前備中周防淡路阿波讚岐伊豫  
等國飢賑給之又勿收負稅○庚申禁正月往  
來行拜賀之礼如有違犯者依淨御原朝廷  
制決罰之但聽拜祖兄及氏上者  
二年春正月壬戌朔 天皇御大極殿受朝文

武百寮及新羅朝貢使拜賀其儀如常○甲子  
新羅使一金食食金粥等貢調物○己巳壬左  
國獻牛黃○戊寅供新羅貢物于諸社○庚辰  
遣直廣參士師宿祢馬牛獻新羅貢物于大内  
山陵○二月壬辰朔甲午金粥德等還蕃○丙  
申車駕幸宇智郡○癸卯賜百官職事已上  
及才伎長上祿各有差○丙午賜武官祿各有  
差○三月己丑因幡國獻銅鑛○丁卯越後國

言疫給藥救之○己巳詔筑前國宗形出雲國意宇二郡司宜聽連任三等已上親○庚午任諸國郡司因詔諸國司等銓擬郡司勿有偏黨郡司居任必須如法自今以後不違越○辛巳禁山背國賀茂祭日命衆騎射○壬午詔以惠施法師爲僧正智淵法師爲少僧都善往法師爲律師○夏四月壬辰近江紀伊二國疫給醫藥療之侏儒備前國人秦大兄賜姓香

登臣○壬寅遣務廣貳文忌寸博士等八人于南嶋覓國因給我器○戊午奉馬于芳野水分峯神祈雨也○五月庚申朔諸國旱因奉幣帛于諸社甲子遣使于京畿祈雨於各山大川○し多遣使于諸國巡監田疇○甲申令太宰府繕治大野基肄鞠智三城○六月丙申近江國獻白樊右○壬寅越後國蝦狄獻方物○丙辰奉馬于諸社祈雨也○丁巳直廣參田中朝

臣足磨卒詔贈直廣壹以壬申年功也○秋  
七月己未朔日有蝕之○し丑以公私奴婢已  
匿民間或有容止不肯顯告於是始制答法令  
償其功事在別式又禁博戲遊手之徒其居停  
主人亦與居同罪○し亥下野備前二國獻赤烏  
伊豫國獻白鶴○癸未以直廣肆高橋朝臣嶋  
麻呂為伊勢守直廣肆石川朝臣小老為美濃  
守○し酉伊豫國獻鶴○八月戊子朔茨田

足嶋賜姓連○丙午詔曰藤原朝臣所賜之  
姓宜令其子不比等兼之但意美麻呂等者緣  
供神事宜復舊姓焉○丁未修理高安城天皇智  
五年築城也○癸丑定朝儀之礼語具別式○九月  
戊午朔以无冠麻績豐足為氏上无冠大贄為  
助進廣肆服部連佐射為氏上无冠功子為助  
○甲子下総國大風壞百姓庐舍○丁卯遣當  
耆皇女侍于伊勢齋宮○壬午周芳國獻銅鏡

○乙酉令近江國獻金青伊勢國朱沙雄黃常陸國備前伊豫日向四國朱沙安藝長門二國金青綠青豐後國真朱○冬十月庚寅以藥師寺構作畧了ホテラ詔衆僧令住其寺○己酉陸奧蝦夷獻方物○十一月丁巳朔日有蝕之○辛酉伊勢國獻白鶴○癸亥遣使諸國大被○己卯大嘗直廣肆榎并朝臣倭麻呂暨大楯直廣肆大伴宿祢手拍暨楯榎賜神祇官人及供事

尾張美濃二國郡司百姓等物各有差○己酉下総國獻牛黃○十二月辛卯令對馬嶋治金鑛○丁未令越後國修理石船柵○己卯遷多氣太神宮于度合郡○丙辰贈勳大貳山代小田直廣肆  
三年春正月壬午京職言林坊新羅女牟久賣一產二男二女賜絕五足綿五屯布十端稻五百束乳母一人○癸未詔授內藥官桑原加

都直廣肆賜姓連賞勳公也是日幸難波宮

○甲申淨廣參坂合部女王卒○二月丁未

車駕至自難波宮○戊申詔免從駕諸國騎

兵等今年調役○三月己未下野國獻雌黃○

甲子河內國獻白鳩○詔免錦部郡一年租役

又獲瑞人犬養廣麻呂戶給獲三年又赦畿內

徒罪已下○壬午遣巡察使于畿內檢察非違

○夏四月己酉越後蝦夷一百六人賜爵有差

○五月辛酉詔曰圖勲之義肇自前修創功

之賞歷代斯重蓋所以昭壯士之節著不朽之

名者也汝坂上息寸老壬申年軍役不願一生

赴社稷之急出於萬死冒國家之難而未加顯

秩奄介隕殂思寵往魂用慰冥路宜贈直廣壹

兼復賜物○丁丑役君小角流于伊豆嶋初小

角住於葛木山以咒術稱外從五位下韓國連

廣足師焉後言其能護以妖惑故配遠處世相

樓小角  
添于伊

傳云小角能復鬼神汲水採薪若不用命即以咒縛之○六月戊戌施山田寺封三百戶限三十年也○丙午淨廣參日向王卒遣使吊賻○丁未命直冠已下一百五十九人就日向王第令喪○庚戌淨大肆春日王卒遣使吊賻○秋七月辛未多櫛夜久菴美度感等人從朝幸而來貢方物授位賜物各有差其度感鳴通中國於是始矣○癸酉淨廣貳弓削皇子薨遣淨

廣肆大石王直廣參路真人大人等監護喪事皇子天武天皇之第六皇子也○八月己丑奉于南嶋獻物于伊勢大神宮及諸社○壬辰賜百官人祿各有差○壬寅伊豫國獻白燕○九月丙寅修理高安城○辛未詔令正大貳已下無位已上者人別備弓矢甲楯及兵馬各有差又勅京畿同亦儲之○丙子新田部皇女薨勅王臣百官人等會葬天智天皇之

皇女也○冬十月甲午詔赦天下有罪者但  
十惡強竊二盜不在赦限為欲營造越智山科  
三山陵也○辛丑遣淨廣肆示縫王直太壹當  
麻真人國見直廣參土師宿祢根麻呂直太肆  
田中朝臣法麻呂判官四人主典二人大土二  
人於越智山陵淨廣肆大石三直太貳粟田朝  
臣真人直廣參土師宿祢馬牟直廣肆小治田  
朝臣當麻判官四人主典二人大土二人於山

糾山陵並分功修造焉○戊申遣巡察使于諸  
國檢察非違○十一月辛亥朔日有蝕之○甲寅  
文忌寸博士利鄭真木等自南嶋至進位各有  
差○己卯施義淵法師稻一方東哀學行也○  
十二月癸未淨廣貳大江皇女薨令王臣百官  
人等會葬天智天皇之皇女也○甲申令太  
宰府修三野稻積二城○庚子始置鑄錢司以  
直太肆中臣朝臣意美麻呂為長官

四年春正月丁巳授新田部皇子淨廣貳○癸亥有詔賜左大臣多治比真人鳴靈壽杖及興儻高年也○二月己酉上総國司請安房郡大少領連任父子兄弟許之○戊子令丹波國獻錫○己亥令越後佐渡二國修營石船柵○壬寅遣巡察使于東山道檢察非違○丁未累勅王臣京畿令備戎具○三月己未道照和尚物化○天皇甚悼惜之遣使即吊賻之和尚河

內國丹比郡人也俗姓船連父惠釋少錦亦和尚戒行不缺尤尚忍行嘗弟子欲究其性竊穿便器漏汗被裋和尚乃微笑曰放蕩小子汗入之床竟無復一言焉初孝德天皇白雉四年隨使入唐適遇玄奘三藏師受業焉三藏持愛令住同房謂曰吾昔往西域在路飢之無村可乞忽有一沙門手持梨子與吾食之吾曰啖後氣力日健今汝是持梨沙門也又謂曰經論深



妙不能究竟不如學禪流傳東土和尚奉教始  
習禪定所悟稍多於後隨使歸朝臨訣三藏以  
所持舍利經論咸授和尚而曰人能弘道今以  
斯文附屬又授一鑑子曰吾從西域自所將來  
煎物養病無不神驗於是和尚拜謝啼泣而辭  
及至登州使人多病和尚出鑑子暖水煮粥遍  
與病徒當日即差既解纜順風而去比至海中  
船漂蕩不進者七日七夜諸人怪曰風勢快好

計日應到本國船不肯行計必有意下人曰龍  
王欲得鑑子和上聞之曰鑑子此是三藏之所  
施者也龍王何敢索之諸人皆曰今惜鑑子不  
與恐舍船為魚食因取鑑子拋入海中登時船  
進還歸本朝於元興寺東南隅別建禪院而住  
焉于時天下行業之徒從和尚學禪焉於後周  
遊天下路傍穿井諸津濟飭儲船造橋乃山背  
國宇治橋和尚之所創造者也和尚周遊凡十

天下火  
事始

有餘載有。勅請還還住禪院坐禪如故或三日一起或七日一起。倏忽香氣從房出諸弟子驚怪就而謁和尚端坐繩床死有氣息時七十有二弟子等奉遺火葬於栗原天下火葬從此而始也。世傳云火葬畢親族與弟子相爭欲取和上骨斂之飄風忽起吹颺灰骨終不知其處時人異焉。後遷都平城也尚弟及弟子等奏聞徙建禪院於新京今平城右京禪院是也。此院

多有經論書迹措好不錯誤皆和上之所將來者也。○甲子 詔諸王臣讀習令文又撰成律條。○丙寅令諸國定牧地放生馬。○夏四月癸未淨廣肆明日香皇女薨遣使吊賻之。天智天皇女也。○五月辛酉以直廣肆佐伯宿祢麻呂為遣新羅大使勤大肆佐味朝臣賀佐麻呂為小使。大少位各一人。大少史各一人。○六月庚辰薩未比賣久賣波豆衣評督衣君縣助督

衣君豆自美。又所衝難波從肥人等持兵剽劫  
覓國使刑部真木等於是。勅竺志惣領准犯  
決罰。○甲午。勅淨木參刑部親王直廣壹藤  
原朝臣不比等。直大貳粟田朝臣真人直廣參  
下毛野朝臣古麻呂直廣肆伊岐連博得直廣  
肆伊余部連馬養勤大肆坂合部宿祢唐務太  
壹白猪大骨追大壹黃艾連備田邊史百枝道  
首名挾井宿祢尺麻呂追大壹鍛造大角進大

撰律令

壹額田部連林進大貳田邊史首名山口伊美  
伎大麻呂直廣肆調伊美伎老人等撰定律令  
賜祿各有差。八月戊申。宇屋備賀久山成會  
山陵及吉野宮邊樹木無故彫枯。○乙卯。長門  
國獻白龜。○し丑。勅僧通德惠俊並還俗。代  
度各一人。賜通德姓陽侯史名久介。曾授勤廣  
肆賜惠俊姓吉名宜授。勢廣肆為用其藝也。○  
丁卯。赦天下。但十惡盜人不在赦限。高年賜物。

始置制衣冠司

又依巡察使奏狀 詔諸國司等隨其能進階  
賜封各有差阿倍朝臣御主人。大伴宿祢御行  
並授正廣參。因幡守勤大壹船連秦勝封三十  
戶。遠江守勤廣壹漆部造道麻呂二十戶並褒  
善政也。冬十月壬子施京畿年九十已上僧  
尼等絁綿布始置制衣冠司。已未以直大壹  
石上朝臣麻呂為筑紫惣領直廣參小野朝臣  
毛野為大貳直廣參波多朝臣牟後閉為周防

惣領直廣參上野朝臣小足為吉備惣領直廣  
參百濟王遠寶為常陸守。癸亥直廣肆佐伯  
宿祢麻呂等至自新羅獻孔雀及珍物。庚午  
遣使于周防國造船。十一月壬午新羅使薩  
冷金所毛來赴母主之喪。己未天下盜賊往  
往而在遣使追捕。○壬寅大倭國葛上郡鴨君  
粳賣一產一男一女賜絁四疋綿四屯布八端  
緇四百束。每一人。○十二月庚午大倭國疫

賜醫藥救之

每

一人

○十二日庚子

大

○

○

○

○

○

○

○

○

續日本紀卷第二

起大寶元年正月盡二年十二月

從四位下行民部大輔兼左兵衛督皇太子學士臣官野朝臣真道等奉 勅撰

天之真宗豐祖父天皇

文武天皇

大寶元年春正月乙亥朔

天皇御大極殿受

朝其儀於正門樹烏形幢左日像青龍朱雀幡

右月像素武白虎幡蕃夷使者陳列左右文物

之儀於是備矣 ○戊寅 天皇御大安殿受祥

瑞如告朔儀 ○戊子新羅大使薩食金所毛卒

賻絕一百五十疋。綿九百三十二疋。布一百段。小使級。食金順慶及水手已上。賜祿有差。○己丑。大納言正廣參大伴宿祢御行薨。帝甚悼惜之。遣直廣肆榎井朝臣倭麻呂等監護喪事。遣直廣壹藤原朝臣不比等等就第宣詔。贈正廣貳右大臣御行。難波朝右大臣大紫長德之子也。○庚寅。宴皇親及百寮於朝堂。直廣貳已上者。特賜御器膳并衣裳極樂而罷。○壬

辰。廢大射。以贈右大臣喪故也。○丁酉。以守民部尚書直大貳粟田朝臣真人為遣唐執節使。左大辨直廣參高橋朝臣笠間為大使。右兵衛卒直廣肆坂合部宿祢大分為副使。參河守務大肆許勢朝臣祖父為大位。刑部判事進大壹鴨朝臣吉備麻呂為中位。山代國相樂郡令直廣肆掃守宿祢阿賀流為小位。進大參錦部連道麻呂為大錄。進大肆白猪史阿麻留充位。山

雅任  
物賦  
行禮儀

於億良為少錄○癸卯直廣壹縣大養宿祢大  
侶卒遺淨廣肆夜氣王等就第宣詔贈正廣  
參以壬申年功也○二月丁未詔始任下物  
職○丁巳釋奠注釋奠之禮於是始見矣○己未遣泉內親  
王侍於伊勢齋宮○癸亥行幸吉野離宮○  
丙寅任勘民官戶籍史等○庚午車駕至自  
吉野宮○三月丙子賜宴王親及群臣於東安  
殿○戊子遣追大肆凡海宿祢鹿鎌于陸奧治

金○壬辰令僧弁紀還俗代度一人賜姓春日  
倉首名老授追大壹○甲午對馬嶋貢金建元  
為大寶元年始依新令改制官各位号親王明  
冠四階諸王淨冠十四階合十八階諸臣正冠  
六階直階八階勤冠四階務冠四階追冠四階  
進冠四階合三十階外位始直冠正五位上階  
終進冠少初位下階合二十階勲位始正冠正  
三位終追冠從八位下階合十二等始停賜冠

制  
位

易以位記語在年代曆又服制親王四品已上  
諸主諸臣一位者皆黑紫諸王二位以下諸臣  
三位以上者皆赤紫直冠上四階深緋下四階  
淺緋勤冠四階深綠務冠四階淺綠追冠四階  
深縹進冠四階淺縹皆漆冠綺帶白襪黑革舄  
其袴者直冠以上者皆白縛口袴勤冠以下者  
白脛裳授左大臣正廣貳多治比真人嶋正二  
位大納言正廣參阿倍朝臣御主人正從二位

中納言直大壹石上朝臣麻呂直廣壹藤原朝  
臣不比等正正三位直大壹大伴宿祢安麻呂  
直廣貳紀朝臣麻呂正從三位又諸主十四人  
諸臣百五人改位号進爵各有差以大納言正  
從二位阿倍朝臣御主人為右大臣中納言正  
正三位石上朝臣麻呂藤原朝臣不比等正從  
三位紀朝臣麻呂並為大納言是日罷中納言  
官○己亥丹波國地震三日○壬寅賜右大臣

中納言



始講新令

從二位阿倍朝臣御五人。絁五百疋。絲四百鈞。布五千段。整一萬口。鐵五万石。備前備中。但馬。安藝國田二十町。○夏四月甲辰朔日。有蝕之。○丙午。勅山背國葛野郡月讀神。并神木。嶋神。波都賀志神等。神。稍自今以後。給中臣氏。○庚戌。遣右大弁從四位下。下毛野朝臣古麻呂等三人。始講新令。親王諸臣百官人等。就而習之。○癸丑。遣唐大通事大津造廣人。賜垂木。

君姓。○し卯。遣唐使等拜。朝。○戊午。奉幣帛于諸社。初雨于名山大山。罷田領。委國司巡檢。○五月癸酉朔。太政官處分王臣五位已上。上日本司月終。移式部。然後式部抄錄申送太政官。○丁丑。令群臣五位已上。出走馬。天皇臨觀焉。○已卯。入唐使粟田朝臣真人授節刀。勅一位已下。賜休暇不得過十五日。唯大納言已上不在聽限。○已亥。始改勳位已下之号。内

新令

二

外有位六位已下者進階一級○六月壬寅朔  
令正七位下道君首名說僧尼令干太安寺○  
癸卯正五位上忌部宿祢色布知卒 詔贈從  
四位上以壬申年功也始補内舍人九十人於  
太政官列見○巳酉 勅凡其庶務一依新令  
又國宰郡司貯置大稅必須如法如有闕怠隨  
事科斷是日遣使七道宣告依新令為政及給  
大租之狀并頒付新印樣○壬子以正五位上

波多朝臣牟胡閉從五位上許曾倍朝臣陽麻  
呂任造藥師寺司○丁巳引王親及侍臣宴於  
西高殿賜御器膳并帛各有差○丙寅以時雨  
不降令田畿内祈雨焉免當年調○庚午 太  
上天皇幸吉野離宮○秋七月辛巳 車駕至  
自吉野離宮○壬辰 勅親王已下准其官位  
賜食封又壬申年功臣隨功第亦賜食封並各  
有差又 勅先朝論功行封時賜村國小依百

二十戶當麻公國見縣犬養連大侶榎井連小  
君書直知德書首屋麻呂黃文造大伴大伴連  
馬來田大伴連御行阿倍普勢臣御主人神麻  
加牟陀君兒首十一人各一百戶若櫻部臣五  
百瀬佐伯連大目牟宜都君比呂和介部君手  
四人各八十戶凡十五人賞雖各異而同居中  
第宜依令四分之一傳子又皇太妃內親王及  
女主嬪封各有差是日左大臣正二位多治比

真人嶋薨 詔遣右少弁從五位下波多朝臣  
廣足治部少輔從五位下大宅朝臣金弓等監  
護喪事又遣三品刑部親王正二位石上朝臣  
麻呂就第吊賻之正五位下路真人大人為公  
卿之誅從七位下下毛野朝臣石代為百官之  
誅大臣 宣化天皇之玄孫多治比王之子也  
○戊戌太政官處分造官官准職造太安樂師  
二寺官准寮造塔丈六二官准司焉凡遷任之

人奏任以上者以名籍送太政官判任者式部  
銓擬而送之又功臣封應傳子若無子勿傳但  
養兄弟子為子者聽傳其傳封之人亦無子聽  
更立養子而轉授之其計世業一同正子但以  
嫡孫為繼不得傳封又五位以上子依蔭出身  
以兄弟子為養子聽叙位其以嫡孫為繼不得  
也又畫工及主計主稅筆師雅樂諸師如此之  
類准官判任○八月壬寅勅僧惠耀信成東

樓並還俗復本姓代度各一人惠耀姓錄名兄  
麻呂信成姓高名金藏東樓姓王名中文○癸  
卯遣三品刑部親王正三位藤原朝臣不比等  
從四位下下毛野朝臣古麻呂從五位下伊吉  
連博德伊余部連馬養等撰定律令於是始成  
大略以淨御原朝廷為准正仍賜祿有差○  
甲辰太政官處分近江國志我山寺封起庚子  
年計滿二十歲觀世音寺筑紫屋寺封起大寶

元年計滿五歲並停止之皆准封施物又齋宮  
司准寮屬官准長上焉○丁未先是遣大倭國  
忍海郡人三田首五瀨於對馬嶋冶成黃金至  
是詔授五瀨正六位上賜封五十戶田十町  
并絕綿布鋏仍免雜戶之名對馬嶋司及郡司  
主典已上進位一階其出金郡司者二階獲金  
人家部官道授正八位上并賜絕綿布鋏復其  
戶終身百姓三年又贈右大臣大伴宿祢御行

首遣五瀨冶金因賜大臣子封百戶田四十町

註年代曆曰於後五瀨之詐欺發  
露知贈右大臣大伴宿祢五瀨所謀也撰令所處分

職事官人賜祿之日五位已下皆參大藏受其  
祿若不然者彈正糾察焉○戊申遣明法博士  
於六道除西海道講新令○己酉皇親年滿者不論  
官不皆入賜祿之額○甲寅播磨淡路紀伊三  
國言大風潮張田園損傷遣使巡監農桑存問  
百姓又遣使於河內攝津紀伊國營造行宮兼

造御船三十八艘豫備水行也○辛酉參河遠  
江相摸近江信濃越前佐渡但馬伯耆出雲備  
前安藝周防長門紀伊讚岐伊豫十七國蝗大  
風壞百姓廬舍損秋稼詔贈從五位下調忌  
寸老人正五位以預撰律令也○丙寅廢高安  
城其舍屋雜儲物移貯于大倭河内二國令諸  
國加差衛士配衛門府焉○九月戊寅遣使諸  
國巡省產業賑恤百姓○丁亥天皇幸紀伊

國○冬十月丁未車駕至武漏温泉○戊申  
從官并國郡司等進階并賜衣衾及國內高年  
給稻各有差勿收當年租調并正稅利唯武漏  
郡本利並免曲赦罪人○戊午車駕自紀伊  
至○己未免從駕諸國騎士當年調庸及擔夫  
田租○十一月壬申大赦天下但盜人者不在  
赦限老疾及僧尼賜物各有差○丙子始任造  
大幣司以正五位下弥努王從五位下引田朝

臣介閉為長官○丁丑令彈正臺巡察畿内○  
し酉太政官處分兼前有恩赦罪之日例率罪  
人等集於朝庭自今以後不得更然赦令已降  
令所司放之○十二月戊申賜諸王卿等帟樣  
○癸丑制五位以上婦不得著夫服色但朝會  
之日聽著得色已下○し丑大伯内親王薨  
天武天皇之皇女也是年夫人藤原氏誕皇子  
也

二年春正月己巳朔 天皇御大極殿受朝親  
王及大納言已上始著礼服諸王臣已下著朝  
服○丙子造宮職獻杜谷樹長八尋俗曰此  
比良木○  
戊寅始置紀伊國賀陀驛家○癸未宴群臣於  
西閣奏五帝太平樂極歡而罷賜物有差○し  
酉以從三位大伴宿禰安麻呂為式部卿正五  
位下美努王為左京大夫正五位上布勢臣耳  
麻呂為攝津大夫從五位下當麻真人橘為齋

頒新律  
於天下

宮頭從四位上大神朝臣高市麻呂為長門守  
正六位上息長真人子老丹比間人宿祢足嶋  
並授從五位下○癸巳詔以智淵法師為僧  
正善往法師為大僧都辨照法師為少僧都僧  
照法師為律師○二月戊戌朔始頒新律於天  
下○庚戌越後國疫遣醫藥療之是日為班大  
幣馳驛追諸國國造等入京○丙辰諸國大租  
驛起稻及義倉并兵器數丈始送于辨官○丁

諸國司  
等始給

已任諸國國師○己未歌斐國獻梓弓五百張  
以充太宰府是日分遷伊太祁曾大屋都比賣  
都麻都比賣三神社○乙丑諸國司等始給鑰  
而罷○先是別有稅司○三月壬申因播伯  
耆隱歧三國蝗損禾稼○乙亥始頒度置于天  
下諸國○戊寅正五位下中臣朝臣意美麻呂  
從五位下忌部宿祢子首從六位下中臣朝臣  
石木忌部宿祢伯麻呂正七位下管生朝臣國



分越中  
國四郡  
屬越後  
國

梓從七位下巫部宿祢博士正八位上忌部宿祢名代並進位一階○己卯鎮大安殿大被○天皇御新宮正殿齋戒惣頒幣帛於畿內及七道諸社○甲申令大倭國繕治二槻離宮分越中國四郡屬越後國○庚寅美濃國多伎郡民七百十六口遷于近江國蒲生郡○甲午信濃國獻梓弓一千二十張以充太宰府○丁酉聽太宰府專詮擬所部國掾已下及郡司等○夏

四月庚子禁祭賀茂神日徒衆會集執仗騎射唯當國之人不在禁限○己巳飛驒國獻神馬大赦天下唯盜人不在赦限其國司目己上出瑞郡大領者進位各一階賜祿有差百姓賜復三年獲瑞僧隆觀免罪入京○又普賜親王以下畿內有位者物免諸國今年田租并減庸之半○丁未從七位下秦忌寸廣庭獻扛谷樹八尋梓根遣使者奉于伊勢太神宮○庚

續日本紀卷二十一

十一

戊 詔定諸國國造之氏其名具國造記  
壬 子令筑紫七國及越後國簡黥采女兵衛貢之  
但陸奧國勿貢  
五月辛未 勅若五世王自有辭訟須受理者特給坐席而與所分  
丁亥 勅從三位大伴宿祢安麻呂正四位下栗田朝臣真人從四位上高向朝臣麻呂從四位下下毛野朝臣占麻呂小野朝臣毛野令參議朝政  
○六月壬寅復大倭國吉野宇知二郡百姓

癸卯上野國疫給藥救之  
庚申以從三位大伴宿祢安麻呂為兵部卿  
甲子震海犬養門  
○乙丑遣唐使等去年從筑紫而入海風浪暴險不得渡海至是及發  
秋七月己巳有勅  
斷親王乘馬入宮門  
○癸酉 詔伊勢太神宮封物者是神御之物宜准供神事勿令監穢又  
在山背國乙訓郡火雷神每旱祈雨頻有徵驗  
宜入大幣及月次幣例  
○乙亥 詔令内外文

武官讀習新令美濃國大野郡人神人太獻八  
蹄馬給稻一千束○丙子 天皇幸吉野離宮  
○乙未始講律是日赦天下罪人○八月丙申  
薩摩多櫛隔化逆命於是發兵征討遂按戸置  
吏焉授出雲伯從五位下○巳亥以正五位上  
高橋朝臣笠間爲造太安寺司○庚子駿河下  
總二國大風壞百姓庐舍損禾稼○癸卯震倭  
建命墓遣使祭之○戊申有 勅五衛府使部

始准兵衛給祿○辛亥以正二位石上朝臣麻  
呂爲太宰帥○癸亥 勅伊勢太神官服料用  
神戶調○九月乙丑朔日有蝕之○戊寅制諸  
司告朔文者主典以上送弁官官惣納中務省  
討薩摩隼人軍士授勳各有差○辛巳駿河伊  
豆下總備中阿波五國飢遣使存恤○癸未遣  
使於伊賀伊勢美濃尾張三河五國營造行宮  
○乙酉從五位下出雲伯賜臣姓○丁亥太赦

天下○乙丑 詔甲子年定氏上時不所載氏  
令被賜姓者自伊美吉以上並悉令申○冬十  
月乙未朔從四位下路真人登美卒○丁酉先  
是征薩摩隼人時禱祈太宰所部神九處實賴  
神威遂平荒賊爰奉幣帛以賽其禱焉唱更國  
司等今薩摩國也言於國內要害之地建柵置戎守  
之許焉鎮祭諸神為將 幸參河國也○甲辰  
太上天皇幸參河國令諸國無出今年田租○

領下律  
諸國

乙巳近江國獻嘉禾異畝同穗○戊申領下律  
令于天下諸國○乙卯 詔上自曾祖下至女  
孫奕世孝順者舉戶給復表旌門間以為義家  
焉○十一月丙子 行至尾張國尾治連若子  
麻呂牛麻呂賜姓宿祢國守從五位下多治比  
真人水守封一十戶○庚辰 行至美濃國授  
不破郡大領官勝木實外從五位下國守從五  
位上石河朝臣子老封一十戶○乙酉 行至

始開岐  
蕪山道

伊勢國守從五位上佐伯宿祢石湯賜封一十  
戶○丁亥至伊賀國行所經過尾張美濃伊  
勢伊賀等國郡司及百姓叙位賜祿各有差○  
戊子車駕至自參河免從駕騎士調○十二  
月甲午勅曰九月九日十二月三日先帝  
忌日也諸司當是日宜為廢務焉○戊戌星晝  
見○壬寅始開美濃國岐蕪山道○乙巳太  
上天皇不豫大赦天下度一百人出家令四畿

內講金光明經○甲寅太上天皇崩遺詔  
勿素服舉哀内外文武官釐務如常喪葬之事  
務從儉約○乙卯以二品總積親主從四位上  
犬上王正五位下路真人大人從五位下佐伯  
宿祢百足黃文連本實為作殯宮司三品刑部  
親主從四位下廣瀨王從五位上引田朝臣宿  
奈麻呂從五位下民忌寸比良夫為造大殿垣  
司○丁巳設齋於四大寺○辛酉殯于西殿○

高麗人巴

十二

壬戌廢大祓但東西文部解除如常

祭祓呂於正立不刃忍古出身夫為數大類賦

賄主於西立不賦賦主於正立上段田隨百部

部將百員貴文取本實為於數宮同三品併階

續日本紀卷第二終

真入大人於正立才去自

德於於以の山賦及三品併階主於西立上

段其即學東國校末大官置置於清置置之事

丙齋全大明齋の甲寅 本上未置置置置

終

